



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 34. Anglia Ecclesiæ, Sedique Apostolicæ rursus conciliata.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI.

A.C. 1554.

posset, mox reverti rogabatur, eoque præfente Cancellarius Deo gratias egit, quod Prophetam ex suo numero suscitasset, qui eos salvos faceret: dein etiam beneficium, quod a Pontifice ultro deferretur, multis verbis laudavit, & extulit, ac seipsum cum cæteris in errores lapsum palam fassus est, atque ut omnes tandem ad cor redirent, & resipiscerent oblatam gratiam amplexantes, hortatus fuit. His factis Legatus, cum ab ipso Rege, & Regina ad Angliæ Regnum Unitati Catholicæ reddendum impense sollicitaretur, totum negotium ad alteram diem, quæ erat B. Andreæ sacra, remittebat.

§. XXXIV.

*Anglia Ecclesiæ, Sedique Apostolicæ rursus conciliata.*

Thu. l. 13.

Sleid.

p. 954.

Sander hist.

de schism.

Angl. l. 2.

p. 324.

**D**ie trigesima Novembris Cardinalis Polus ab Arondelii comite regiæ domus Præfecto, & sex aliis primariis Periscelide donatis equitibus, totidemque Episcopis deductus in regiam venit, ubi cum primum in conspectum venisset, Gardinerus Cancellarius præfente Rege, ac Regina libellum supplicem a Senatu subscriptum, ac sigillo munitum eisdem porrigebat, rogans, ut illum recipere dignarentur: mox vero Philippus, & Maria illum aperientes

tes eundem Cancellario reddebant, præ-<sup>Sæcul. XVI.</sup>  
cipientes, ut illum prælegeret: postea <sup>A.C. 1554.</sup>  
idem Gardinerus circumstantes roga-  
bat, *placeretne iis, ut ipforum nomine ve-*  
*nia a Legato peteretur, & ad Ecclesiæ*  
*unitatem, atque ad Pontificis, qui est su-*  
*preum ejus caput, obedientiam rediretur.*  
Clamore magno aliis, silentio autem  
plerisque assentientibus, confestim Rex,  
ac Regina e folio suo surgentes libel-  
lum tradebant Legato, qui illum per-  
legens mox legationis suæ diploma ex-  
hibebat, eo fine, ut omnibus palam  
fieret sibi a Pontifice concessam fuisse  
absolvendi potestatem. Absolutis hisce  
solemniis Polus prolixo sermone gratias  
egit Regni Ordinibus, quod ipsum in  
patriam, ac nobilitatem restituisent,  
sicque sibi præclusum antea ad regnum  
aditum patefecissent, & facultatem ipsis  
inserviendi dedissent: se vicissim venisse  
ajebat ipse, ut, qui in terrenam pa-  
triam, ac nobilitatem ab ipsis restitu-  
tus erat, eos in cœlestem patriam, ac  
potiorem nobilitatem reducat, qua se  
tum demum ipsi spoliarunt, cum ab  
unitate Ecclesiæ defecissent: igitur hor-  
tabatur eos, ut superioris temporis,  
quod tantas ipsis, & universo regno  
calamitates intulerat, errorem ingenue  
agnoscant, & ex animo detestentur,  
& quantum iis beneficium Deus & Vi-  
carius

Sæcul. XVI  
A.C. 1554. carius Christi per ejus legatum de-  
 ferat, id sincera animorum alacritate  
 accipiant, ac sedulo retineant: Reli-  
 quum esse addebat, ut etiam cum ipse  
 adesset claves adferens, quibus Eccle-  
 siæ valvas illis aperiret, quemadmo-  
 dum aditum sibi in patriam fecissent  
 legibus, quæ illum excludebant, anti-  
 quatis, ita ipsi leges illas omnes ab-  
 rogarent, quæ contra Sedem Apосто-  
 licam latæ ipsos a reliquo Ecclesiæ cor-  
 pore omnino divulsos tenerent. His di-  
 ctis ita prosequabatur Cardinalis Lega-  
 tus. „Immortales Deo gratias habeo,  
 „quod, quemadmodum Deus priscis  
 „Ecclesiæ temporibus Anglis hanc gra-  
 „tiam fecisset, ut primi depulsis gen-  
 „tium erroribus verum Dei cultum pub-  
 „lico consensu amplecterentur, ita nunc  
 „iisdem tribuisset, ut, cum sese ab Ec-  
 „clesia sejunxissent, primi, quam gra-  
 „viter deliquissent, agnoscerent; nec  
 „etiam si vere eos, atque ex animo  
 „pœniteat, dubitandum censeo, quin  
 „omnis particularium Ecclesiarum fe-  
 „licitas, & potentia omnino dependeat  
 „ab eorum unione cum Sede Aposto-  
 „lica, quippe ab eo temporis articulo,  
 „quo Græci sese ab Ecclesia Romana  
 „segregarunt, Deus illos Mahometano-  
 „rum furori reliquit, imo ipsa etiam  
 „Germania per defectionem ab Ecclesia  
 Roma-

„Romana sese in calamitates ferme eas-  
 „dem præcipitem dedit, atque Anglia,  
 „quamprimum sese ab unitate Ecclesiæ  
 „segregavit, quamplurimas experta est  
 „seditiones, quoniam sicut schisma am-  
 „bitionis, ac humanæ prudentiæ ful-  
 „cris innixum sua cepit incunnabula,  
 „ita etiam potissimum abominando com-  
 „placendi studio sese erexit, ac incre-  
 „mentum sumpsit. Equidem Sacra Se-  
 „des aliorum Principum potentiam ad  
 „castigandam Anglorum rebellionem in-  
 „vocare potuisset, maluit tamen in  
 „Dei auxilio confidere, diemque ex-  
 „optatum expectare, quem etiam ho-  
 „die illucescere cernimus.„ His dictis  
 prolixius excurrebat in laudes Reginæ,  
 quam a Deo ideo incolumem servari  
 peroptabat, ut per ejus ministerium  
 cœlestes benedictiones in Ecclesiam suam  
 effunderet. Denique pœnitentiæ loco  
 Anglis injungebat, ut omnes leges con-  
 tra Papæ auctoritatem, sanctam Sedem,  
 ac Religionem conditas abolerent.

§. XXXV.

*Angli per Legatum a schismate soluti.*

Hac oratione absoluta Legatus æque,  
 ac Rex, ejusque conjux surgentes  
 genua flectebant, moxque cuncti utrius-  
 que Curix Patres eandem exhibebant  
 submissionem: Cardinalis vero alta voce  
 hæc

Sæcul. XVI.  
 A.C. 1554.

*Becatel. is*  
*vit. Poli*  
*Pallav. l. 13.*  
*c. 9. n. 10.*  
*Ciacon. t. 3.*  
*p. 633.*